

Rimliklarga 6:23 Gunohning evazi — o'lim, Xudoning in'omi esa Rabbimiz Iso Masih orqali beriladigan abadiy hayotdir.

Rimliklarga 8:2 Hayot ato etuvchi Ruhning qonun-qoidasi Iso Masih orqali meni gunohdan va o'limga yetaklaydigan qonundan ozod qildi.

2 Timo'tiy 1:10 Mana endi, bu inoyat Xaloskorimiz Iso Masihning olamga kelishi bilan yaqqol namoyon bo'ldi. Masih o'lim kuchini yo'q qildi. U mangu hayotga eltuvchi yo'lni bizga Xushxabar orqali yoritib berdi.

Ayub 5:2 Ranj-alam nodonni halok qiladi, Hasad soddani o'ldiradi.

Xo'sheya 13:14 Men bu xalqni o'liklar diyoridan qutqararmikanman?! Ularni o'limdan xalos qilarmikanman?! Ey o'lim, qirg'in olib kelgin! Ey o'liklar diyori, halokatli kuchingni ko'rsatgin! Endi Men rahm-shafqat qilmayman."

Zabur 9:14 Rahm qil menga, ey Egam, qara! Mendan nafratlangan g'animlarim azob bermoqda! O'lim og'zidan meni qaytaradigan Sensan!

Ayub 6:26 Meni behuda gaplarni aytyapti, deb o'ylaysiz. Shunday ekan, nimaga tushkunlikda aytganlarimga javob qaytarasiz?!

Ayub 33:22 Ana, ular qabrga yaqinlashib qoldi. O'lim ularning jonini poylab turibdi.

Hizqiyol 37:12,13 Shuning uchun xalqimga bashorat qilib ayt: Egamiz Rabbiy shunday demoqda: "Ey xalqim Isroil, Men qabrlaringizni ochib, sizlarni go'r dan chiqaraman. So'ng sizlarni o'z yurtingiz — Isroilga qaytarib olib boraman. 13 O'shanda sizlar Egangiz Men ekanligimni bilib olasizlar.

Matto 27:52 Qabrlar ochilib, taqvodor odamlarning ko'pchiligi tirildi.

Genesis 2:7 Shundan keyin Parvardigor Egamiz yerning tuprog'idan odamni yasadi va uning burun teshigidan puflab, jon ato etdi. Shunday qilib, odam tirik jon bo'ldi.

Genesis 6:17 Men yer yuzini to'fonga bostirib, har qanday tirik jonzotni qirib tashlayman. Yer yuzidagi hamma narsa nobud bo'ladi.

Genesis 7:15 Bu tirik jonzotlar ikkita-ikkitadan bo'lib Nuh bilan birga kemaga kirdi.

Genesis 7:22 Quruq yer ustida yashab turgan hamma tirik jonzot nobud bo'ldi.

Ayub 12:10 Har bir jonivorning hayotiyu Insonlarning nafasi Uning qo'lidadir.

Ayub 33:4 Meni Xudoning Ruhi yaratgan, Qodir Xudoning nafasi menga hayot berib turibdi.

Faoliyati 17:25 Har qanday odamga jon, nafas va hamma narsani Uning O'zi

bergan. Shuning uchun U insonning qo'liga qarab kolmagan. U hech narsaga muhtoj emas.

Vahiy Yohanno 13:15 Unga mahluqning tasviriga jon ato etish qudrati berilgandi. Mahluq tasviri tilga kirdi va o'ziga sajda qilmaganlarning hammasini o'ldirtirdi.

Yohanno 10:10 O'g'ri faqat o'g'irlash, bo'g'izlash, barbod qilish uchun keladi.

Men esa ularga hayot, farovon hayot berish uchun kelganman.

Ishayo 28:15 Sizlar shunday dedingiz: "Biz O'lim bilan ahd qilganmiz, O'lifiklar diyori ila bitim tuzganmiz. Dahshatli ofat kelib boshimizga tushmaydi. Axir, yolg'oni panoh qilib olganmiz, Soxtalikni chodir qilib olganmiz."

Ishayo 28:18 O'lim bilan tuzgan ahdingiz bekor bo'ladi, O'lifiklar diyori ila qilgan bitimingiz barbod bo'ladi. Dahshatli ofat yurtdan o'tayotganda, Sizlar yer bilan yakson bo'lasiz.

Ishayo 5:24 Shu bois alanganing tili somonni yutganday, Ularning ildizi chirib ketadi, Quruq xashak olovda kuyib bitganday, Ularning g'unchasi changday uchib ketadi. Sarvari Olamning ta'limotini ular rad qildi, Isroil xalqining muqaddas Xudosining so'zidan nafratlandi.

Yo'el 1:12 Uzum toki so'lidi, anjir daraxti quridi. Xazon bo'ldi anor, xurmo, olma — hamma daraxtlar. Inson sevinchi tamom qurib bitdi!

Xo'sheya 13:15 Isroil qarindoshlari orasida Serpusht va farovon bo'lsa-da, Egamiz uning ustiga sharq shamolini yuboradi, Sahrodan esgan garmselni jo'natadi. Isroilning bulog'ini quritadi, Uning chashmasini qovjiratadi. Xazinasidagi qimmatbaho ziynatlarini tortib oladi.

Vahiy Yohanno 22:1 Farishta menga billurday tiniq, hayotbaxsh suvlar daryosini ko'rsatdi. Bu daryo Xudoning va Qo'zining taxtidan chiqib,

Yohanno 4:10 so ayolga dedi: — Xudo senga qanday in'om bermoqchi ekanligini va sendan suv so'ragan Odam kim ekanligini sen bilmaysan. Bilganingda edi, o'zing Undan suv so'ragan bo'lar eding va U senga hayotbaxsh suvni bergan bo'lardi.

Yohanno 4:14 Lekin Men beradigan suvdan kim ichsa, abadiy chanqamaydi. Men beradigan suv o'sha odamning vujudida buloqqa aylanib, abadiy hayot sari jo'shib oqadi.

Sulaymonning Hikmatlari 13:14 Dononing ta'limoti — hayot manbayi, odamni o'lim tuzog'idan xalos etadi.

Sulaymonning Hikmatlari 14:27 Egamizdan qo'rqish hayot manbaidir, u o'limdan qutqaradi.

Hizqiyol 13:17-23 "Ey inson, Isroil xalqining o'zicha bashorat qilib yurgan ayollariga yuzlan. Ularga qarshi bashorat qilib, 18 ayt: — Egangiz Rabbiy shunday demoqda: "Ey, odamlarning jonini ovlab yurgan ayollar, sizlarning holingizga voy! Sizlar har bir odamning bilagiga tumor taqasizlar. Yoshu qarining boshiga yopinchiqlar yopasizlar. Sizlar

xalqimning jonlarini ovlab turib, o‘z joningizni saqlab qolasiz, deb o‘ylaysizmi?! 19 Sizlar bir hovuch arpa bilan bir burda non uchun, xalqim oldida Meni badnom qildingiz-ku! Yolg‘onni xush ko‘rgan xalqimga yolg‘on gapirib, aybsiz odamni nobud qildingiz. O‘limga loyiq bo‘lgan odamning jonini esa asrab qoldingiz.” 20 Shuning uchun Egamiz Rabbiy aytmoqda: “Sizlar tumorlaringiz bilan odamlarning jonlarini ovlayapsizlar. Men o‘sha tumorlaringizga qarshiman. Men ularni qo‘llaringizdan yilib olaman, qafasdagi qushni ozod qilganday xalqimni ozod qilaman. 21 Yopinchiqlaringizni yirtib tashlayman, xalqimni changalingizdan xalos qilaman. Ular endi sizning qurbanlaringiz bo‘lmaydi. O‘shanda Egangiz Men ekanligimni bilib olasizlar. 22 Sizlar yolg‘onlaringiz bilan solih odamning dilini ranjitdingiz. Men esa uni ranjitmoqchi emas edim. Fosiq odam yomon yo‘lidan qaytmasligi, jonini saqlab qolmasligi uchun sizlar uni qo‘llab turdingiz. 23 Shu sababdan endi sizlar yolg‘on vahiyalar ko‘rmaysizlar, fol ochib yurmaysizlar. Men O‘z xalqimni changalingizdan ozod qilaman. O‘shanda Egangiz Men ekanligimni bilib olasizlar.

Yeremiyo 21:8 “Sen bu xalqqa shunday deb ayt: Egamiz demoqda: Men sizlarga ikkita yo‘lni — hayot va o‘lim yo‘lini berdim.

Ayub 34:22 Biron zulmat yoki qorong‘i joy yo‘qki, Badkirdorlar o‘sha joyda yashirinib olsa.

Zabur 15:10 Meni o‘liklar diyoriga tashlab ketmaysan, Bu taqvodoringni qabrda chiritmaysan.

Zabur 22:4 Ey Egam! Hatto zulmat vodiysida yursam ham, Xavf-xatardan qo‘rqlayman, Axir, Sen men bilan birgasan. Sening cho‘pon tayog‘ing, Xiviching meni himoya qiladi.

Zabur 29:4 Ey Egam, o‘liklar diyoridan jonimni olib chiqding, Qabrga kirayotganimda meni qutqarding.

Zabur 48:16 O‘liklar diyori hukmidan Xudo meni qutqaradi, Shubhasiz, U meni O‘z yoniga oladi.

Zabur 55:14 Jonimni o‘limdan qutqarib qolding, Oyog‘imni qoqilishdan saqlading. Shu bois, ey Xudo, Sening oldingda, Hayot nurida yuraman.

Zabur 67:21 Xudoyimiz — najot berguvchi Xudo, Egamiz Rabbiy o‘limdan qutqaradi.

Zabur 88:49 Qaysi inson o‘limni ko‘rmas ekan?! Kim o‘liklar diyori qudratidan omon qolar ekan?!

Zabur 101:20,21 Asirlarning nolasiga qulq solay, deb Egamiz yuksakdag‘i muqaddas makonidan qaradi. O‘limga mahkum bo‘lganlarni qutqaray, deb U osmondan zaminga nazar tashladi.

Zabur 114:8 Egam jonimni o‘limdan qutqarib qoldi, Ko‘zlarimni yosh to‘kishdan, Oyog‘imni qoqilishdan qutqardi.

Sulaymonning Hikmatlari 10:2 Yovuzlik bilan topilgan boylikdan naf yo‘q,

to‘g‘rilik esa o‘limdan qutqaradi.

Ishayo 26:19 Ammo Sening o‘lik xalqing tiriladi, Tanalari o‘rnidan turadi. Ey tuproq ostida yotganlar, qo‘zg‘aling, Shodlikdan hayqiring! Ey Egamiz, shabnaming tonggi shabnamga o‘xshaydi, Zamin murdalariga hayot bag‘ishlaydi.

Yohanno 5:28,29 Bunga hayron qolmanglar! Qabrda yotgan marhumlarning hammasi Inson O‘g‘lining ovozini eshitadigan vaqt keladi. 29 Shunda o‘liklar qabrlaridan chiqadilar: yaxshilik qilganlar yashash uchun tiriladi, yomonlik qilganlar esa mahkum bo‘lish uchun tiriladi.”

Yohanno 10:28 Men ularga abadiy hayot beraman, ular hech qachon halok bo‘lmaydilar. Hech kim ularni Mening qo‘limdan tortib ololmaydi.

Yohanno 11:43,44 Shunday dedi-yu, baland ovoz bilan xitob qildi: — Lazar, tashqariga chiq! 44 Shu payt qo‘lu oyoqlari kafanlangan, yuzi ro‘mol bilan o‘ralgan marhum chiqib keldi. — Kafanini yechinglar, uni qo‘yib yuboringlar, — dedi Iso odamlarga.

Yohanno 12:17 Iso Lazarni qabrdan chaqirib tiriltirganiga guvoh bo‘lgan olomon Isoga ergashib, bu haqda hammaga aytdi.

Yohanno 17:2 Sen Unga butun insoniyat ustidan hokimiyat berding. Toki Unga berilgan har bir insonga U abadiy hayot ato qilsin.

1 Korinfliklar 15:19-26 Agar biz yolg‘iz bu hayot uchun Masihga umid bog‘lagan bo‘lsak, biz eng baxtsiz insonlar ekanmiz. 20 Vaholanki, Masih rostdan ham tirildi! U birinchi bo‘lib tirildi, shu tariqa o‘likdan tiriladiganlarning orasida hosilning ilk samarasiday bo‘ldi. 21 O‘lim bir inson orqali dunyoga kirdi. Shunga o‘xshab, o‘liklarning tirilishi ham bir inson orqali sodir bo‘ladi. 22 Axir, bu dunyoga o‘lim Odam Ato tufayli kirib keldi, endi Iso Masih orqali hamma tiriladi. 23 Hamma narsa o‘z navbat bilan sodir bo‘ladi: mana, Masih birinchi bo‘lib tirildi, Masih kelganda esa Unga tegishli bo‘lganlar tiriladi. 24 Shundan so‘ng, Masih har qanday hokimiyatni, hukmronlik va qudratni barbod qilib, sultanatni Samoviy Ota — Xudoga topshirganda oxirat bo‘ladi. 25 Masihning hamma dushmanlari Uning oyoqlari ostiga poyandoz qilinmaguncha, U hukmronlik qilishi kerak. 26 Shunda oxirgi dushman — o‘lim ham barham topadi.

2 Korinfliklar 1:9,10 O‘lim muqarrar ekanligiga amin bo‘lgan edik. Bularning hammasi bizning o‘zimizga emas, balki o‘liklarni tiriltiradigan Xudoga umid bog‘lashimiz uchun sodir bo‘ldi. 10 Haqiqatan ham Xudo bizni shunday og‘ir o‘lim tahlikasidan qutqardi va yana qutqaradi ham. Ha, U bizni yana qutqaradi, deb Undan qattiq umid qilamiz.

2 Korinfliklar 3:6 Xudo bizga yangi ahdning xizmatkorlari bo‘lish qobiliyatini berdi. Bu ahd qonunga emas, balki Ruhga asoslanib tuzilgan, chunki qonun o‘limga yetaklaydi, Ruh esa hayot bag‘ishlaydi.

Kolosaliklar 1:21,22 Sizlar ham bir vaqtlar Xudoga dushman edingizlar.

Fikru zikringiz Xudodan uzoq bo'lib, yomon ishlar qilardingizlar. 22 Masihning jismoniy tanadagi o'limi orqali Xudo sizlarni O'zi bilan yarashtirdi. Endi sizlar Xudoning oldida muqaddas, benuqson va aybsiz turasizlar.

Ibroniylar 2:9 Ammo "qisqa vaqtgagina farishtalardan past bo'Igan" insonni, ya'ni Isoni biz ko'rib turibmiz. U inson bo'lib keldi, Xudoning inoyati tufayli butun insoniyat uchun azob chekib, o'ldi. Shu sababdan endi "izzatu sharaf tojini kiydi."

Ibroniylar 2:14,15 Bu farzandlar foniy bandalar bo'Iganlari uchun, Iso ham ular singari inson bo'ldi. Zero, U O'z o'limi orqaligina o'lim keltiruvchi iblisning qudratini yo'q qila oldi va 15 umr bo'yи o'lim qo'rquviga qui bo'Igan odamzodni ozod qilishga muvaffaq bo'ldi.

Ibroniylar 11:5 Imoni tufayli Xano'x o'lmadi. U tiriklayin osmonga ko'tarilib ketdi. Xano'x birdaniga g'oyib bo'lib qolgandi, chunki Xudo uni olib ketgan edi. Muqaddas Bitiklarda aytlishicha, Xudo Xano'xni olib ketmasidan oldin ham undan mammun edi.

1 Butrus 3:18 Masih bizni gunohlarimizdan to abad forig' qilish uchun azob chekkanini yodingizda tutinglar. U solih bo'la turib, biz, gunohkorlarni Xudoga yaqinlashtirish uchun jonini fido qildi. Uni jisman o'ldirishdi, ammo U yangi, ulug'ver hayot uchun tirildi.

2 Butrus 1:3 Rabbimiz Iso O'z ulug'verligi va ezguligi ila bizni da'vat etib, O'zini bizga tanitdi. Endi biz Xudoga munosib hayot kechira olamiz, chunki Rabbimiz ilohiy qudrati bilan bizga zarur bo'Igan barcha fazilatlarni ato etdi.

1 Yohanno 3:14 Biz o'limdan hayotga o'tganimizni bilamiz, chunki birodarlarimizni sevamiz. Birodarini sevmagan odam esa o'lim iskanjasida qolgan.

1 Yohanno 5:11 Xudoning guvohligi shundan iborat: Xudo bizga abadiy hayot berdi va bu abadiy hayotning manbayi Xudoning O'g'li Isodir.

Vahiy Yohanno 21:6 So'ng menga yana dedi: "Amalga oshdi! Ibtido va Intaho, Boshi va Poyoni O'zimman. Chanqaganga Men buloqdagi hayotbaxsh suvdan ichiraman.